

REFERAT AIA - Aningaasaqarnermut Inuussutissarsionermullu Ataatsimiititaq d. 01-03-2021

Mødedato Mandag d. 01. marts 2021 kl. 19:30

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Kommunalbestyrelsimut ingerlateqqitassat.....	8
Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileq	9
Taasariaqartut allat.....	13
Suliat matoqqasut.....	14
Imaqarniliap akuerineqarnera.....	15

Punkt 0: Saqqaa

Ilaasortat

Charlotte Ludvigsen (IA) *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Jens Kristian Berthelsen (S)

Peter Davidsen (S)

Beslutning

Peqataasut: Charlotte Ludvigsen (IA), Harald Bianco (IA), Henrik Rachlev (IA), Justus Hansen (D), Jens Kristian Berthelsen (S) aammalu Peter Davidsen (S)

Peqataasinnaanani nalunaartuq: Charlotte Pike (IA)

Punkt 1: Oqaluuserisassat akuerineqarneri

Beslutning

Oqaluuserisassaq akuersissutigineqarpoq.

Punkt 2: Nalunaarutit

Punkt 3: Ilisimatitsissutit

Punkt 4: Aalajangiiffigisassat

Punkt 5: Suliat Kommunalbestyrelsimut ingerlateqqitassat

Punkt 05A: Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqqoreqqusaq

Beslutning

Inassuteqaat amerlanerussuteqartunit akuersissutigineqarpoq.

Siumumit ikinnerussuteqartutut oqaaseqaat: Siumuminngaanniit aalajangiiffigisassaq itigartinneqarpoq. FN-mi nunap inoqqaavisa pisinnaatitaaffii misissorneqarnissaat, aningaasatigut nalimmassaanissaq paasissutissallu amigarmata qinigaaffiup tulliani aalajangiiffigisassap sammineqarnissaa Siumumit kissaatigineqarpoq.

Bilag

Kommunimi ileqqoreqqusanut siunnersuut nutartigaq

Nuup Kangerluani kommunimi ileqqoreqqusanut nunap assingi ilanngussat

Tusarniutininik akissutit

Tusarniutininik akissutit tusarniaaneq kungunerani tigusaq

Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqqoreqqusaq

Aalajangiiffigisassaq

J.nr.: 75.20

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Nuup Kangerluani qipoqqarnik eqqissimatitsinissamut kommunip ileqqoreqqusaatut siunnersuut maanna sapaatit-akunnerini sisamani tusarniaassutigineqareerpoq.

Piffissami tusarniaaffiusumi tusarniaanermi akissuteqaatit 27 tiguneqarput, taakkunannga 26 akuersillutik kingulleq Nuummi Aalisartut Piniartullu Peqatigiiffiat NAPP akerliullutik.

Tusarniaassummut akissuteqartumit ataatsimit bundgarnersortarnermut tunngatillugu kipiluttunartoqartoq erseqqissaatigineqarpoq.

Tusarniaassummut akissuteqartup Nuup Kangerluani qipoqqarnik eqqissimatitsinissaq isumaqatigalugu nalunaarutigaa.

Arlaannaalluunniit allannguutissanik siunnersuuteqaanngillat imaluunniit malunnartunik sillimaniarnissamut tunngasunik saqqummiussaqaanngillat.

Suliaq Aningaasaqarnermut Inuusutissarsiornermullu Ataatsimiititap 2021-mi januaarup ulluisa 14-ianni ataatsimiinnerani oqaluuserineqarpoq, tassanilu suliaq tusarniaassutigineqassasoq ataatsimiititap akuersissutigaa.

Kommunalbestyrelsip suliaq 2021-mi januaarip ulluisa 26-anni oqaluseraa suliarlu tamanut tusarniaassutigisassanngorlugu.

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- Nuup Kangerluani qipoqqarnik eqqissimatitsinissaq pillugu kommunip ileqqoreqqusassaatut siunnersuut akuersissutigineqassasoq
- suliaq akuerisassanngorlugu Kommunalbestyrelsimut ingerlateqqinneqassasoq
- Tusarniaassummut akissuteqaatit tiguneqartut allaaserineqarneri qulaaniittut tunngavigalugit Kommunalbestyrelse aalajangissasoq.

Suliassamik saqqummiussineq

Nuup Kangerluani qipoqqarnik arfernillu sumiiffinnaalinnik pisaqarnissamut pissaanissamullu inerteqquteqalernissaq pillugu kommunalbestyrelsimut ilaasortaq Michael Rosing septembarip ulluisa 19-ianni 2019-imi kommunalbestyrelsimut aalajangiiffigisassatut siunnersuummik nassiussivoq.

Suliffeqarfimmut Kiffartuussivik Nuup Kangerluani qipoqqarnik arfernillu nikinnek ajortunik allanngutsaaliuineri ileqqoreqqusassamik siunnersuusiortoq.

Nuup Kangerluani qipoqqarnik eqqissimatitsinissamut kommunip ileqqoreqqusaatut siunnersuut maanna sapaatit-akunnerini sisamani tusarniaassutigineqareerpoq.

Piffissami tusarniaaffiusumi tusarniaanermi akissuteqaatit 27 tiguneqarput, taakkunannga 26 akuersillutik kingulleq Nuummi Aalisartut Piniartullu Peqatigiiffiat NAPP akerliullutik.

Tusarniaassummut akissuteqartumit ataatsimit bundgarnersortarnermut tunngatillugu kipiluttunartoqartoq erseqqissaatigineqarpoq.

Arlaannaalluunniit allannguutissanik siunnersuuteqanngillat imaluunniit malunnartunik sillimaniarnissamut tunngasunik saqqummiussaqaanngilat.

Suliaq Aningaasaqarnermut Inuussutissarsiornermullu Ataatsimiititap 2021-mi januaarup ulluisa 14-ianni ataatsimiinnerani oqaluuserineqarpoq, tassanilu suliaq tusarniaassutigineqassasoq ataatsimiititap akuersissutigaa.

Kommunalbestyrelsip suliaq 2021-mi januaarip ulluisa 26-anni oqaluseraa suliarlu tamanut tusarniaassutigisassanngorlugu.

2021-mi februaarip ulluisa 23-at aallarnerfigalugu bundgarnersorluni aalisarnissamut qinnuteqaatinik takkuttoqaanngilaq, bundgarnersorlunilu aalisarnissamut qinnuteqarfissaq februaarip ulluisa aallaqqaataannut killilerneqarnikuulluni.

Aaqqiissutissatut siunnersuut – suliatigut naliliineq

Nuup Kangerluani qipoqqarnik arfernillu sumiiffinnaalinnik pisaqarnissamut pissaanissamullu inerteqquteqalernissaq pillugu kommunimi ileqqoreqqusaliorneq Kommuneqarfik Sermersuumi qippoqqarnik piniarnerup tamarmi inerteqqutaalerneranik isumaqaanngilaq - Ilangussaq 2 naapertorlugu Nuup Kangeluanit taamaallaat atuutissaaq.

Bundgarnersorluni aalisarnermut kommunip ileqqoreqqusai naapertorlugit bundgarnit atornissaannut qinnuteqaat kingusinnerpaamik februaarip ulluisa aallaqqaataanni tunniunneqassaaq - ullorlu februaarip ulluisa 23-at aallarnerfigalugu qinnuteqaatinik tunniussisoqaanngilaq.

Aningaasatigut sulisoqarnikkullu naliliinerit Soqaanngilaq

Inatsisitigut tunngavissaq allakkallu tunngaviusumik uppernarsaatitallit

- Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi kap. 10, §3 4 (Kommunit ileqqoreqqusaat).

Ingerlariaqqinnissaq

Aningaasaqarnermut Inuussutissarsiornermullu Ataatsimiititap siunnersuut akuersissutigippagu, suliaq Kommunalbestyrelsimi akuersissutigineqarnissaanut ingerlateqqinneqassaaq. Tamatuma kingorna siunnersuut akuersissutigineqartoq Namminersorlutik Oqartussani nalunaarutigineqartussatut ingerlateqqinneqassaaq.

Inatsisitigut immikkoortortap kingullermik misissuineranit allannguuteqartoqarnikuunngimmat siunnersuut Namminersorlutik Oqartussanut nutarterniarneqassanngilaq. Namminersorlutik Oqartussat mailikkut allagaqaammi tamanna akuerivaa.

Aningaasaqarnermut Allatseqarfimmit oqaaseqaatit Oqaaseqaateqartoqanngilaq.

Innuttaasunik peqataatitsineq/attaveqaqatigiinneq

Siunnersuut ulluni 28-ni tamanut tusarniaassutigineqarpoq 2021-milu februaarip ulluisa 26-annut killeqarluni.

Ingerlatsivinnit allaniit oqaaseqaatigineqartut

Ingerlatsivinnit allanit oqaaseqartitsiniartoqanngilaq.

Siusinnerusukkut aalajangernerit

Aningaasaqarnermut Inuussutissarsiornermullu Ataatsimiititaq 14. januaari 2021

Inassuteqaat akuersissutigineqarpoq, inassuteqaatini siulleq imatut allannguutitalerlugu: Nuup kangerluani qippoqarnik pisaqarnissamut pissanissamullu inerteqqutinut tunngatillugu Kommunimi ileqqoreqqusassatut siunnersuut tusarniaassutigineqarnissaa akuersissutigineqassasoq.

Kommunalbestyrelsi 26. januaari 2021

Lone Rosengreen Pedersen (IA) ataatsimiinneq qimappaa.
Inassuteqaat akuersissutigineqarpoq.

Ilanngussat

1. Kommunimi ileqqoreqqusanut siunnersuut nutartigaq
2. Nuup Kangerluani kommunimi ileqqoreqqusanut nunap assingi ilanngussat.
3. Tusarniutininik akissutit
4. Tusarniutininik akissutit tusarniaaneq kungunerani tigusaq

Punkt 6: Taasariaqartut allat

Punkt 7: Suliat matoqqasut

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 15.15.